

بی بی صابی

ایکٹھی سنہ

دار الفنون الہیاء و التعمیر

تاریخی ، اجتماعی ، دینی ، فلسفی

کانون ثانی ۱۹۲۸



اسٹانبول — یکی مطبعہ

۱۹۲۸

آلتنجی بین المللی فلسفه فونگره-ی

بورایه آمریقانن عودتمده آرنان وود کوبنده کی آمریقان قیزقوجنده وقوع بولان طلب ورجا اوزرینه ویرمش اولدیغ قونفرانس ایله بومؤتمرك مساعیسی اجمال ایتمش اولدیغمدن مجموعه مزله ده نشرینی دارالفنون طلبه سی ایچون فائده لی بولدم .

*
* *

جهان عالمی آراسنده مؤسس مشكور برعادت واردر . بونلر آرا صیرا معین محله طوپلانورلر ، بوسایه ده هم بربریه طانیشیرلر ، هم تعاطی افکارایدیرلر . او حالده بومؤتمرك كرك علم و كرك بشریتك منافع مشتركه سینه ایفا ایده جکی خدمتیر بویوك اولور . بومؤتمركلرده عالم بربرلینك نتایج سی و تدقیقلرندن خبردار اولاجقلرندن کندی ایشلرنده برآز ده ازننده لك وشوقله چالشمغه دوام ایده جکلری کی اونلرك بوتماسلری بشریتك برآزدها بربرینه ایضاماسنی تسهیل وتأمین ایدر . علی الخصوص بومؤتمر خصوصی علملردن برینه تعلق ایتمزده فلسفه کی کلی ، اشرف وهرشعبه معرفته حاکم برعلمه عائد اولورسه بوندن حصوله کله جك منافعك تقدیرینی عرفانکزه ترك ایدرم . فی الحقیقه ، صوك عصرلر علم ایچون براختصاص دوری آچشدر : وبوندن علم بویوك فائده لركورمشدر . فقط شیمدی بوسیانتیستلر آرتق اسکیمی کی یالکز کندی دائره لرینه قاپانمایورلر . شوبله که بوکون بر فیزیک متخصصی اکثریا کیمیاده ده متخصصدر . کیمیا کرلرکده فیزیقه اختصاصه احتیاجی واردر . والحاصل بوکون فیزیک و کیمیا دن صنعت و تربیه یه قدرهیچ برشعبه معرفت یوقدر که ایچنده فلسفی دوشونجه اولماسین . شو حالده اکر بویاضاحتمه علاوه کچن ۱۹۲۶ سنه سی ایلونك اون اوچنده (ماساجوزت) ایالتنده کبریچ قصبه سنده کی هاروارد دارالفنوننه طوپلانمش بولان اوچ بوز بوقدر فیلسوف ومعلمك ، انسانیتی لا اقل الی عصردن بری ذهناً اشغال ایدن الكالی مسئله لر حقنده کی ملاحظه ومناقشه لرینی وبشریتك سعادت مستقبله سینه مدار اولاجق اساسلره متعلق تمیلرینی ایشیتمش اولسایدیکز بو خصوصده کی حکمکزی دهاسمولته ویره بیلیردیکز . اونك ایچون مساعده ایدرسه کز سزى شیمدی خیالاً اورایه سوق ایده جکم .

ہاروارد دہ طویلانان بین الملل فلسفہ قونغرہ سی بونلرک آلتنجیسیدر . ۱۹۰۴ سنہ سندن بری اجتماعہ باشلامش اولان بوقونغرہ لرک بشی اولجہ آوروپاک مختلف شہر لرندہ طویلانمشدی . او حالده بو آلتنجی قونغرہ جہاہیر متحدہ داخلندہ برنجی دفعہ اولارق طویلانمش بولنور . حرب عمومی دنیانک ہر رندہ انسانیتک مطالب عالیہ سنہ موافق اولان فعالیت علمیہ و اخلاقیہ بی فلجہ اوغراشمشدی . اوکالایق اولدینی شوقی و زندہ لکی تأمین ایتک لازمہدی . واقعا ملل مخاصمہ آراسندہ تماماً عادۃ وفاق ایچون (لوقارنو) دہ برائتلافنامہ احضار اولنمشدی . فقط بونی بسلمک و ثمرہ دار ایتک دہ ایجاب ایدیوردی . ایشہ بوایشی ہر ملتدن اول آمریقایلرک تقدیر و تأمل ایتش اولدینی ، بومؤتمری دعوت ایتسیلہ ثابت اولشدر . بناء علیہ اونلرک بوتشبی حقیقۃ شایان تبریکدر .

مؤتمرہ عائد ترتیباتی آمریقان فلسفہ جمعیتک دلالت و تشبی اوزرینہ قولومیا و ہاروارد دارالفنونلری مشترکاً اکمال ایتشلردر . فقط اجتماع ایچون ہاروارد ترجیح اولنمشدر . زیرا اسکی بر تاریخچہ تأسیس ایدلمش اولان بو دارالفنونک آمریقان معارف تاریخچہ مستثنا و مهم بر موقعی واردر . قونغرہ جہاہیر متحدہ نک خارجندہ اون یدی مملکتدن اعضا دعوت ایدلمشدر . بو مملکتلر شونلردر : تورکیا ، انکترہ ، فرانسه ، آلمانیا ، بلجیقا ، ایتالیا ، لہستان ، ہولاندا ، سویچرہ ، اسپانیا ، چک اسلوواکیا ، روسیہ ، لہستان ، ژاپونیا ، کانادا ، ہندستان ، آرژانتین ، جنوبی آفریقا .

قونغرہ جہاہیر متحدہ دارالفنونلرینہ منسوب ۲۴۶ پروفیسور اشتراک ایتش اولدینی کچی بویوک بریتانیادن ۱۳ ، آلمانیا دن ۱۰ ، فرانسدن ۶ ، کانادادن ۱۱ ، لہستاندن ۵ ، ایتالیا دن ۴ ، ژاپونیا دن ۳ ، روسیہ دن ۲ ، چک اسلوواکیادن ۳ ، ہندستاندن ۲ ، سویچرہ ، اسپانیا ، بلجیقا ، آرژانتین ، ہولانده ، جنوبی آفریقادن ہر ہر مرخص حاضر بولنمشدر . مملکتمز و استانبول دارالفنونی نامندہ بی دعوت ایتشلردی .

قونغرہ ۱۹۲۶ سنہ سی ایلونلک ۱۳ نجی بازار ایرتسی اقشامی (ہاروارد) مشتملاتندن غورہ اولدہ یلک سالونندہ بنون اعضانک حضوریلہ ہیئت ترتیبہ نامنہ قولومیا دارالفنونی پرہزیداتی (نیقولا موررہ ی باتلر) ، ہاروارد دارالفنونی پرہزیداتی (آ . لاول) ، آمریقان فلسفہ جمعیتلری نامندہ پرہزیدانت ہوکینگ ، (ر . س . لوچ) طرفلرندن رسماً آچلمش بونلرک ہر بری طرفندن ہر نطق سویلہ نہرک اعضایہ بیان خوش آمدی ایدلمشدر . فقط نطقلر بالطبع بالکمز خوش آمدی و تمنی موفقیاتہ حصر ایدلمہ مشدی . مثلاً

هاروارد دارالفنونی پره زیداتی (لاول) نقطنده مفرط بر اختصاصك محذورلرله ، آرتق علملر آراسنده كی سدرلی قیرمق و بر ترکیب یایمق خصوصنده كی الزمیتی پك بلنق بر طرزده ایضاح ایلشدی .

آمریقا رئیس لرینك بونطقلرندن صوكر ا خار جدن كلیش مرخصلر نامه پارس دارالفنونی ركتوری موسیو (لاپی) جواب ویرمش وقونقره هیئت ترتیه سنه بیان تشكرات ایلشدر . (لاپی) بونطقنده پارس دارالفنونك دائمی بر فلسفه قونقره سی عد اولنه بیله جكنی سویله مشدی . چونكه قرون وسطاده اورایه انكلتره ، آلمانیا ، ایتالیا ، واسپانیادن بر چوق ارباب مناظره (آبه لار) ی دیکله مك ایچون کلیرلو « مبادی اول » ه متعلق مسئله لری مناقشه ایدرلرمش . فقط او اسکی زمانده آمریقا ده بویله بر قونقره یی طوبلامق مشکل اولوردی . بو کون بیله بوایش آرا ده بحر محیطك بولماسی و اوکا ده بر چوق مشكلاتك انضمام ایلسی سببیه اولیه قولای اولماش . بونكله برابر هیئت متشبهه و ترتیه بونلرك هپسنه بر چاره بولش ، وایشته قونقره آچلمشدر . بوندن صوكر ا آرتق اوطوروب بوفعالیتك برکتلی و مشمر اولماسنی امید ایدرك ایشه باشلامق لازم . آنجق بوا مید بجا ومعقولیدر ؟ (لاپی) فرانسه ده بوقونقره یه اشترا که قرار ویرلدیکی وقت نیجه (ریجی) لرك نه صورتله بیان اعتراض ایتدی کیرینی ده آکلامشدی : « هر فلسفه قونقره سی بر- آناقرونینم- یعنی وقت وزمانه مخالف بر شی ایمش . فلسفه اولمه مشمی ؟ علم ویا بر شعبه علم ایچنده آرییوب کیمه مشمی ؟ روحیاتجیلرك ، پیدیشیاترلرك ، تربیه جیلرك ، اجتماعیاتجیلرك ، فلسفه مورخلرینك - زیر ا فلسفه تاریخه عائددر - فلسفه قونقره سی اولسا آکلاردق . فقط بر مؤتمر فلاسفه نه دیمك ؟ والحاصل اگر هنوز فلسفه وارسه ، بو بر فردی هنزدر . زیر ا فیلسوف ، تعریفی ایجابجه ، منزوی عزلتنشین بر متفکر دیمکدر . فیلسوف اولان کیمسه ، تأمل ایچون دنیادن چکیلیر . اونك سیستمنده کی ابداعیت واصلیت وفکرنده کی زنده لك ایشه بوانزوادن متولددر . اوجاغنه چکلمش « ده قارت » ایله دستگاهنده چالیشان سپنوزا بونك بر نمونه سیدر . سپنوزایی بر فلسفه قونقره سنده کوریورمیسکز ؟ فقط فیلسوفلری همه حال بر قونقره ده طوبلامق ایسته بورسه کز ، باری بوقونقره لی اولسون ! چونكه طرز تفکرلری بر برینه بکزه یین حکما آراسنده البته فائده لی آکلاشلار اوله بیلیر . فقط بین الملل بر قونقره دن نه بکله یه بیلیرسکز ؟ عینی بر قونقره نك صیرالرنده بر (هکل) ایله بر « جون ستورات میل » ی کوریورمیسکز ؟ [. - لاپی ، بوشه جیلرك بوکا مماثل

اعتراضلری بوندن اول طوپلانمش اولان بش بین المللی قونفره ده حل و حرکتک یورییه رک اثبات ایدلمش [۱] اولدیغنی سوله دکدن سوکره سابق قونفره لرک یولنه کیدلمنی توصیه وئمی ایلشدی .

بوندن سوکرا مراسم افتتاحیه بیتمش اولدیغندن اعضا سربست قالمش وهرکس بربرلرله طانیشمغه چالشمشدر .

ایرتسی صالی صباحی ده اولجه مقرر پروغرام دائره سنده قونفره مساعیسه باشلا- مشدر . قونفره دوت شعبه یه وهرشعبه یه دوت زمهریه آیرلمشدی . هر زمهره کندیسه تخصیص اولان محله مرتب اعضاسیله برلکده چالشدیغنی کبی کیجه لری بوتون زمهره لری ده برلشه رک عمومی راجتماع عقد اولتمقده ایدی . بونلردن A شعبه سنک مذاکراتی مابعد الطبیعه یه (فلسفه طبیعت ، فلسفه عقل ، فلسفه دین) عائد ایدی . صالی کونی اقسامی بو A شعبه سنک بوتون زمهره لری (أمرسون هول) ده طوپلانارک بوراده Emergent evolution عائد نظریاتی ایضاح ایتمشدری . بوراده براز توقف ایده جکم . بیلیرسکز evolution کله سنک برکنش و بر دار معناسی واردر . کنیش معناسنه کوره : تدریجی و متمادی اولان هرانکشافه evolution دیرلر . دار معناسنه کوره ده یکجنسیدن مختلف اجناسه مرور طرزنده کی انکشاف دیمکدر . هر بر سنسر تکاملی بویه آکلابور . (بیولوژی) ده کی تکامله ککنجه بوراده ابتدائی بر نوعک espèce مختلف انواعه تبدل و انقلابندن عبارتدر . بوصوک زمانلرده بواسطلاح یکی بر شکلده ویکی براسمله اورتایه چیقمشدر : éminent evolution . اوکیجه بومناقشه یه باشلایان لایحیقندن مشهور ویتالیزم Vitalisme ک ناشری پروفسور (هانس دریش) ایدی . بو پروفسورک افاده سنه کوره بو (أمرجنت اوولیشیون) ی برنجی دفعه اوله رق تکلم ایدن (جورج هانری لوئیس) ایدی . فقط اوکا شهرت ویرن و تعمیم ایدن (لوید مورغان) ایش . (مورغان) : کائناده کی سیر و تکاملی جزؤ فردلره ، ذره لره ، قریستاللره ، حیاته ، عقله ، و تأمله ، تفکره منطبق بویوک بر (امرجنت اوولیشیون) عد ایدیور . فقط (دریش) دیپورکه بونظریه غیرعضوی عالمده عصری علملرک تقیدینه مقاومت ایده مه یور .

لایحیغلی پروفسور دن سوکرا کرسی یه چیقان لوندره لی پروفسور (ه . ویلدون قار)

[۱] وقتیه حرکتک وجودینی انکار ایدنلره قارشى حکمادن بر ذات آیاغه قالفوب یوریش و ایشته حرکت بویه اثبات اولنور دیمشدی .

حیات و ماده به دایر او قودینی مقاله سنده حیات و ذهنی بر صفت واجبه عد ایتمه دیکنی و قاربون ذره لرندن تکامل واسطه سیله بویه برشی چیقامایه جغنی تأیید ایشدی .

A شعبه سنک ایکنجی زمره سنده (نیوتون) ه نظراً زمان مفهومیله (آیشتاین) ک زمان حقنده کی یکی نظریه سی (ویسکونسن) دارالفنونی مدرسلرندن «مقریلودر» طرفندن ایضاح ایدلش اولدینی کبی زور یخندن پروفیسور «هرمان وهیل» ده زمانک اکیوان ایچنده کی شرائط و احوالی، ذات زمان، یاشائش زمان و زمان متافیزیکی بی آکلاتمشدی. ینه یوشعبه ده (فازان وله ینغراده) منسوب پروفیسور واسیلیف (فلسفه طبعیتک مکسوبات و معمارلی) عنوانی آلتده زماندن، مکاندن، اضافیتدن ... باحث پک مهم بر مقاله او قودتی. مجرد ریاضیاتک (کینه ماتیک و مقانیک) فیزیقلر تدقیقاتنه و فیزیقلرک غیرعضوی عالمه تطبیق اتندن متولد مهم نتیجه لرک بویوک منافیزیکی حرکتلرک دائماً ایلاک منبجی اولدینی و مثلاً فیثاغور دعواسنک، منافیزیکی بر انقلابه سببیت و یردیکنی مقدمه کلام اتحاد ایدن بومهم نطق غایله، قانت، نیوتون .. کبی عالم لرک ودها صو کرا کلن بعض ریاضیلرله لوباجه وسکی و آیشتاینک زمان و مکان حقنده کی ملاحظه و نظریه لرینی تدقیق و مناقشه ایتمکده ایدی. والحاصل بوروس پروفیسور زمان و مکان معمارلرینک پک عظیم اولدیغنه قائلدر. ینه یوشعبه ده شیقاغودن (ژ. ه. مید) مناظرک حقیقت آفاقه سی حقنده کی مقاله عالمانه سنی او قودی .

ایلولک اون بشنجی چارشنبه کونی (غورهول) ده اجتماع ایدن ایکنجی زمره به قولومیا دارالفنونندن (فلیکس آدلر) ایله جیمس . ب . پرات ریاست ایدیوردی . بوراده (یووا) دارالفنونی مدرسلرندن (آدوین . د . ستاربور) تصوفک تجربی بر تدقیق عنوانی مقاله سنی او قومشدی . اوندن صو کرا کرسی به چیقان هندستانده کی کلکته قوج مدیری (س . م . داشکوپتا) دخی شرق و غرب تصوفلرینی مقایسه و موازنه ایتمشدر . بو هندلی عالمک مطالعه سنه کوره تصوفک کرک شرقی و کرک غربی بوتون اشکالی ، بر برینه موافقدر . واقعا مومالیهک وهدانتا ، نوافلاطونیه ، عیسوی ، واسلامی تصوفلر حقنده و یردیک ایضاحات و بو صیراده ذوالنون مصری ، ابویزید بسطامی و حلاج منصور ایله هندک یوغاسی حقنده کی تشریحاتی دعواسنی اثبات ایده جک قدر قوتلی ایدی . (داشکوپتا) دن صو کرا برلیندن پروفیسور (هلموت فون غلاسه ناپ) کرسی به کله رک هندلیلرک دینلری و فلسفه لرنده کی پراغماتیک تمایلات اوزرینه یازمش اولدینی آلمانجه مقاله سنی او قومشدر . اوندن صو کرا (یاله) دارالفنونندن پروفیسور چایس . آ . بهنت (تصوفک

پارادوکسی (عنوانی مقاله سنده تصوفک معروض اولدینی مختلف تقدیر و حکملری تدقیق ایتش بو تدقیقاتی باشلیجه (ره سه زاق) معرفت تصوفیه نك اساسلری عنوانی کتابیله پروفیسور (له ویا) نك (دینی تصوفک پسیقولوژیسی) اثری اوزرینه یوروتمشدر . ینه بو جلسه ده شیکاغوده پروفیسور (ادوارد سقریه رآمس) صوفیه نك تجربه و طریقلری اوزرینه پك مهم مطالعه لری محتوی مقاله سنی اوقومشدر . [تصوف ، حضور واطمئنان یولی ایچون دها طوغری راستقامت کوسترمک ادعا ایدیور .] دیدکدن بو خصوصده مطالعه لرینی سوبلد کدن صوکر مقاله سنی شویله بتیر مشدی : « حیاتک یکی تلقیلری واونک شایان تقدیر قیمتلری اولتقیاتک یکیلکی وظاهری اعتماد سزلق یوکی آلتنده ازیلیور . بزدها طوغری ودها ایی شیرلی اولجه آلیشمش اولدیغمز شیرله قاریشدر ییورز . زیرا مؤسس برعنه ایله یتیشمش بولنیورز . بو یکی افقلرده ویکي دنیاده اسکیزی درجه سنده الفت و حریت اکتساب ایتمکلکمز ایچون اوزون برمساعی لازمدر . بزم یکی روحی عواممزه یوکسلمک ایچون ییکی الهیلر ، ییکی دغالر ، ییکی سمبوللر ، ییکی برلغات ، وهر صنعتده ییکی شکلر لازمدر . معنوی آداملرک قلبنده وفکرنده بوبله لکله بر حضور واطمئنان حصوله کتورمکدن شبهه ایتمک قابا بر اعتقاد سزلق وایمان سزلقندر .]

ایلولک اون آلتنجی پرشنه کونی غوره ولده طوبلانان ۳ نجی زمرده نو یورق دارالفنونی پروفیسور لرندن [فلیپ . ا . و هلو رایت] شخصیت تصویرینه دائر بعض مسائل غامضه دن ، [یاله] دارالفنونی مدرسلرندن [ویلون . ه . شلدون] دخی [غیر مادی ، لادهنی شأیت] حقنده کی ملاحظه لرندن بحث ایتشلردی .

. ایلولک ۱۷ نجی جمعه کونی [ستاندیش هولده قوممون] ده طوبلانمش اولان دردنجی زمرده بوستون دارالفنونی مدرسلرندن [شفیلد بر ایتام] پرسونالیزم دن بحث ایتمشدر . پرسونالیزم ، پرونسورک ملاحظه سنه کوره ، ایده آلیزمک دیگر اشکالیله متوافقدرد . مومالیهمدن صوکر اکرسی به چیقان برلین مدرسلرندن [ریشار موللر فرینفلس] : « اندیوید و آلیته » فردیت » مسئله سندن مفصلاً شیکاغودن [اڈوین . آ . بورت] مجرد تکاملدن ، [تورینو] دارالفنونی مدرسلرندن جیووانی ویداری دین ایله اخلاقک مناسباتندن بحث ایتشلردی .

[ب] شعبه سنده کی زمهره لرده منطق ، مبحث معرفت ، وفلسفه علومه عائد مسائل مناقشه ایدلشدر .

(ث) شعبه سی

بو شعبه نك درت زمره سنده اخلاق، اجتماعي فلسفه، آسته تيك ده كي قيمتار نظريه سی مباحثه ايدلمشدر. شعبه نك عمومي اجتماعي ايلولك اون آلتنجی پرشبه كونی [نويولكچور هول] ده وقوع بولمشدر. بوراده بارس دارالفنونی مدرسلرندن [بوغله] فلسفه نك توجه ايتديكي استقامتدن و صلحك استحضارندن بحث ايلمشدر. بوغله نك ملاحظه سنه كوره هر فلسفه، تعريفی اعتباريله بين الملليدر. هر فكر فلسفی، طوغار طوغماز دور عالم همچون قانادلامق ايستر. اونك ملی حدودلری يوقدر. بوجهتله، فرانسز، آلمان، ياخود آمريقان حقيقتندن بحث ايتك فلسفه قارشى برنوع كفردر. والحاصل ده قارتك ده اثبات ايتمش اولديمی وجهله فلسفه ديمك، عرقلرك سده لرندن آشارق، فردك کلی اولغه سی ايتميدر.

بونكله برابر، فلسفه نك شو امل اصليسنه رغماً، كندی محیط اخلاقيسندن تماماً آريلامادینی بالتجربه كوريایور. بوغله خطابه سنده سوزی ده موقراسينك فضائل و محسنانه نقل ايله ده موقراسی حسیله حس ملينك صميمی بر اتحاد و اتفاقده بولنه بيله جكاري نه اون طقوزتجی عصر ك تاريخی شهادت ایده بيله جكنی سويله مش وصاح عالمك آنجق ده موقراسی ايله تحت تأمينه آلنه بيله جکی قناعتي اظهار ايله مشدر.

ينه بوجلسه ده (مونيخ) دن پروفيسور نيرنج بكر (داروينيزم) ايله بين الملل مناسباتدن بك جانلی برشكلده بحث ايتمشدی. نيرنج بكر ك بوخطابه سی بوغله يه غالباً بك تأثير ايتمش اولمالی كه بكر سوزینی كسر كمز ياننه كيدوب النی صيغمش وتشكر ايتمشدی. فی الحقیقه بكر سوزلری عالمده يالكرز جبروشدت وفاقيت بهيميتی رد و جرح ايدن بك قوتلی فكرلری احتوا ايتمكده ایدی.

« بكر » دن صوكره بوئنوس آيرسدن كن پرفيسور « قوريولانو آلبريني » فلسفه ايله بين الملل مناسباتدن، هاروارد دارالفنونی مدرسلرندن « روسقوپاوند » فلسفه نك حقوق بين الدوله كي خدمتندن، اوقسفورد دارالفنونه منسوب « شيللر » ايله ژاپونيه توکیو مدرسلرندن « ژ. كواكي »، پروفيسور نيقولاهارتمان ينه بومسئله دن بحث ايتمشلردر.

« ث » شعبه سنك برنجی زمره سنده اخلاق حكملرك اساس آقايلرندن بحث اولمشدر. بوجلسه ده بالخاصه پروفيسور « ل. لوی بول » ك بك مهم اولان ملاحظه لری شويله در:

[اخلاقی حکملرک براساس آفاقیتی وارمیدر ؟ ظن ایدرم ، هیچ کیمسه اوکا اعتراض ایتمک مائل دکلدر . بواساس آفاق نه در بونی بیلیمک نقطه سی اوزرنده فکرلر تخلف ایدیور ، فقط اولیه براساس موجود اولدیغی تصدیقه اتفاق واردر . اکر بویه اولماسه یدی ، عینی فعله متعلق مختلف اخلاقی حکملرک متساویاً صواب و مشروع اولدیغی ، عینی حرکتک بری طرفندن تحسین و تقدیر ، دیکری طرفندن ذم و رد اولنه بیله جکنی تسلیم ایتمک ایجاب ایدردی ، برکیمسه نک بر موسیقی پارچه سی ویا بر رسمی پک بکندیکی حالدده دیکرینک شنیع ویا خود معناسز بولماسی کبی ؛ آنجق آثار صنعت موضوع بحث اولدیغی وقت بوتفاق سز لغه سس چقارما یوز و ذوقندن بحث اولماز دیوروز . فقط آز چوق اهییتی اولان افعال واحتساسات موضوع بحث اولنجه ، بزدن باشقه یولده اخلاقی حکم ویرلمس نه تحمل ایده مه یز . زیرا ، مفکره مزده ، حکم ویرن بز یعنی فردلر دکلز . بزیا لکز بر دستور ویا بر قانون نامه ویرلمش اولان حکمی افاده ایتمش اولوروز .

اخلاقی حکملرک آفاقیتی objectivité تبیین و اظهار ایتمک ایسته نیلیدیکی وقت اکثریا استعمال اولنان بو « قانون اخلاقی » تعبیری در حال خاطره اوکا قومشو بر فکر اولان [قانون طبیعی یی] ای کتیریور و عجباً بوا یکی نوع قانونلر بر برینه نه جهت لجه بکزیورلر ونه جهت لردن بر برلرندن آریلورلر واونلرک هر برینه مخصوص آفاقیتک طبیعت مخصوصه سی نه در دیه انسان دوشونه بیلیر . ووند Wundt قانون طبیعی فکرینک ، حادثه لر آراسنده کی ضروری نسبتلری علی العاده بیلدرمی حیثیتله ، اون یدنجی عصر دن یوقاری چیقما دیغی بحق اخطار ایتمشدی . اوندن اقدم ، قانون فکری ، حق قانون طبیعی مفهومی ، آز چوق بارز بر درجه ده واضع قوانین بر علم و اراده فکری متضمن کورو نمکده در . بوتصوره ، فی الحقیقه طور متقدانه ایله فوق العاده تعدیل ایدلمش اولقله برابر ، قانت ده دخی تصادف اولتیور . حکیم مشارالیه کوره ، فعلنده مختار عقل ، نظری جهتن واضع قوانیندر ، مقولات و مبادی واسطه سیله ظاهر اولماسی حیثیتله ؛ عملی جهتن ده واضع قوانیندر ، زیرا افعالی ایچون بالذات کنیدیسته ده بر امر مبرم L'impératif catégorique شکلنده بر قانون وضع ایتمشدر .

قانونک آفاقیتی دیمک ، قانون نظام ، و امر دیمک در . اخلاقی حکملریمز معین بر حالدده بر طرز معینده و دیکر بر حالدده بر طرز آخرده حرکت ایتمک کمزی استلزام ایدر . قانتک تقریر و تأیید ایلدیکی وجهله ، اولابیلیر که کندیمری هم واضع قانون هم تابع حس

ایده لم یعنی عقلمز کندیسی اطاعته مجبور عدايتديكي قانونی بنه کندی کنديسنه حل و وضع ایدیور . محقق اولان شودر که ، ایسترقانته منسوب اولالم ایستراونک ذهابنه اشتراك ایتیه لم ، وظیفه هیمزه آمر و حاکمدر ، هیمز اوکا اطاعتله مکلف اولدیغمزی عن صمیم القلب حس ایدیورز ، و کرک کندی ذاتمز و افعالمز حقنده ، و کرک دیکرلرینک افعالی حقنده کی اخلاقی حکملریمز عموم عندنده مقبول و معتبر قاعده لری یعنی قانونلرک و بناء علیه حکملرک بر اساس آفایسنک موجودیتنی استلزام ایتمکده در .

قانت بو آفاقی اساسی عقل عملینک مختاریتنده بولمشدی . بونی اثبات ایچون فیلسوف مشارالیه ک سرد ایتدیکی دلائل قوتی اونک بوملاحظه سنی هر کسه قبول ایتدیره جک قدر دکدر . اوکا معتبر نظریله باقق ایچون اولاقانتک انسانک هویتی حقنده کی نظریه سنی ، عقل عملی نک موضوعه لرینی ، یعنی قانتک متافیزیقی ، فلسفه دینی ، و الحاصل بوتون قریبیکلرینی Critiques تسلیم ایتک ایجاب ایدر . بوکون هیچ برکیمسه اودرجیه قدر قانته منسوب و طرفدار دکدر . اکر بالذات قانت بیه بوکون دنیایه ککش اولسایدی ، شبهه سز اوده اولیه اولمایه جقدی . دیکر بر طریق فلسفی به مراجعت ایده جکمی بز ؟ فقط هانکیسنی سچلم . مسئله نک قدیم صورت حللرینی ، یاخودیکی حللریمی ترجیح ایده جکز ؟ ارسطونک ، اهل اللذه نک épicuriens یاخود رواقیه نک Stoiciens حللرینی می ، یاخود (ره نسانس) دن اعتباراً اخلاقی حکملرک اساس آفایسنی عقلده ، یاخود احتساس اخلاقیده ، یاخود منفعت عمومیه ده ، یاخود اراده الهیه ده الح بولدقلرینی ظن ایدن حللرینی می بکنه جکز ؟ بوسیتملرک هر بری ، بروقت معینه مظهر اعتبار اولمش ، یوکسک قیمتلی عقل صاحب لری طرفندن تقریر و تأیید ایدلش ، و انسانک ذهننه تأثیر ایدن دلائل اوزرینه استناد ایتمشدی . بونکله برابر هیچ بریسی دیکر سیستم لری اورتادن قالدیرارق تک باشنه محافظه موجودیت ایده مه مشدی . اونلردن هیچ بریسی یوقدر که حقنده موافقت عامیه مظهر اولمشدر ، صورت قطعی ده تأسس ایتمشدر ، و بوندن صوکرآتجریات آتییه ایچون غیر قابل اعتراض برمبدأ اولغه یارار دییه بیللم . بر برینه رقیب مکتب و طریق لر آراسنده مناقشه ، هر وقتکی قدر شدید بر شکله ، دوام ایدیور . هر مکتب کندیسی عموماً مسلم و مقبول سیستم اولارق طانیور . فعلاً ، هر مکتب دیکر مکتبلر ایچون ضعیف نقطه لرندن پک قورقونج بر ققیدر . زیرا بورقیب ، مسلک لری ییقمغنی بلیور ، اونلرک اثباتلرنده کی ضعیف نقطه لری بولیور و اونلره اورادن هجوم ایدیور . فقط اورقیب

مکتبلرده اوکا اوصورتله مقابله ایدیورلر. زیرا اونکده بویه قابل جرح ضعیف نقطه لری واردر. بوکونده احوالک بوندن عبارت اولدیغه قانع اولمق ایچون، فلسفه مجموعه لرینک خلاصه مندرجاتنه عطف نظر ایتمک، یاخود فلسفه اخلاقیه کتابلری نشر ایدن ممتلرک فهرستلرینه مراجعت ایلک کافیدر. علم اخلاقک مسائل اساسیه سنک وعلی الخصوص اخلاقی حکملرک اساس آقایی مسئله سنک، آردی ارقاسی کسلمزدردجهده مناقشه ایدلش اولدیغی کوررسکز. [استاد «لوی برول» بومقدمدن صوکر، غیرقابل انکار اولان بوحالک مشاهدہ سی کندیشی یکر می سنه دن بری، اخلاقده نظریات ایله تطبیقات آراسنده کی مناسبتلر اوزرینه اعمال افکاره سوق ایتدیکنی و بونلری [اخلاق و علم سیر و عادات La Morale et la Science des Moeurs] عنوانلی اثریله نشر ایلدیکنی سوبله مشدر. بوکتابده «لوی برول» شو مسئله یی ده وضع موقع مناقشه ایتیش: بررلرینه صراحة مباین مسالک اخلاقیه منسوب فیلسوفلر، بعضلری قانته منسوب، دیگرلری اخلاقی احتساست دیگر کامانه اوزرینه، یاخود نظام مفهوم عقلیسنه، ویا منفعت اوزرینه الخ بنا ایدن حکما ناصل اولیورده شخصاً و بر دیگرلری اخلاقی حکملرده هان دائماً مطابقدرلر، و قومشولرینک ویاخود بالذات کندیلرینک فعللری موضوع بحث اولدیغی وقت اونلری مدح ویا تقییح خصوصنده تخمیناً هان هب عینی فکرده بولنیورلر! بر جمعیت معلومه داخلنده بالجمله افرادک و دیگرلری کی فیلسوفلرک اخلاقی حکملرنده کی مستمر، و تعبیر اصحله، مجبوری اولان بومطابقت هم بوحکملرک آفاقی براساسی اولدیغی و بواساسک بوویا شونی التزام ایدن اخلاق سیستمی ایچنده بولمادیغی تضمن ایتزمی؟

اوحالده دیگر بر یولدن آرایالم، و بزه واقعہ لرک رهبرلک ایتسنه موافقت ایدلم. اگر بر جمعیت معلومه داخلنده، بوجعیت ایستر یونانی، چینی، ویا ابتدائی اولسون ایستبزم هیئت اجتماعیه من اولسون، بر شخصک بر حال معلومه التزام ایتمکله مکلف اولدیغی طور و حرکت حقنده هیچ برشبهه یوقسه، واکر اخلاقی حکملر متحداً بوقین واطمئانی اعلام ایتمکده ایسه، بونک سبی اوجعیت حاکم اولان تصورات مشترکۀک اوطرزحرکتی حمل واجبار ایتیمی و بناء علیه بوحکملری الهام الیمی دلکیدر؟

دورقیم Durkheim بوتصورات مشترکۀدن بعضلرینک، تخصیصاً اخلاقی حرکتلره دائر اولانلرینک برصفت آمره و مبرمه سی اولدیغی، واونک تعبیرینه کوره، بر تضیق اجرا ایلدیکنی بک کوزل کوسترمشدی. بوتضیق، فردک وجداننده، ایفا ایدیلہ جک

وظیفه طویغوسیه ، و بو وظیفه اهل ایدلیدی وقت مستحق بر جزایه انتظار و وجدان عذابری و بو حرکت مأموره به توفیق افعال ایتمه یئر حقنده کی تقبیح شکننده متجلی اولور . دورقیم ک بک معروف اولان بونظریه سی اوزرنده توقف و اصرار ایتکی الزم عدایمه یورم . دورقیم قانتک وجدان اخلاقی حقنده کی تعریفک سختی تسلیم ایدیور ، وبلا مبالغه دینه بیلیرکه ، اونک ذهاب فلسفیسینده اکثریا بر « قانت » شمه سی واردر . فقط تصویر ایتدیکي واقعه لری اجتماعی سبیلره ارجاع ایتمکده در .

دورقیمک تصویر و تعریفه جهد ایتدیکي ، دیگر لرندن ده آاز معضل اولمایان ، بو اخلاقی واقعه لر نوعاً ما اجتماعی حادثه لردر ، حال بوکه اونلر ظاهراً بزم محصول افعالنر ظن اولور . فی الحقیقه ، بر شأنتک صورت مخصوصده بزه معلوم اولماسی ، اونک انساجنی صراحة کورمک لکمز و اوشأیت داخلنده اسباب ایله آتارک بر برلینه ناصل مربوط اولدقلرینی آکلامقلغمز ایچون ، او شأنتک بزجه مأنوس اولماسی کافی دکلدرد . مثلاً بر لسانه تماماً متصرف اولابیلیرز ، ناصل که هیمز آنا لسانمزی اولیه قوللانیرز ، بونکله برابر بو لسانک حکمت لغت اعتباریه هیچ بر شیئی بیلمه مک لکمز نمکندر . بعضاً فوق العاده زنکین و معضل لسانلری قونوشان ابتدائیلر Les primitifs بر کله نک نه اولدیغنی هیچ بیلمز لر و هیچ بر وقت بر عباره تحلیل ایتمه مشلردر . بوکا نمائل اولارق بر شأنت اخلاقیه وجدانلری مزده یاشار ، که بعضاً او وجدانلر او شأنتی براز تعدیه خادم اولور . او شأنتی بز ذاتمزده حس ایدرز ، اوکا توفیق افعال ایتمه که کندیمزی مکلف عدایلرز ، و اونده دائماً زنده بر منبع مسرت و آلام بولورز . اونک قدر هیچ بر شی بزه یاقین و صمیمی دکلدرد . بونکله برابر ، علم نقطه نظرندن ، سوسیولوژیائی تحلیلدن اول ، بو شأنتی بیلمه یورز ، ناصل که قدیم یونانیلر سوفسطائیه نک مساعدیندن اول غرامردن خبردار دکلدیلر .

بناءً علیه آتیده کی ایش ، اخلاقی واقعه لری اجتماعیات نقطه نظرندن بو صورته تحلیله چالشمقندن و بر [علم سیر وعادات] یامقندن عبارتدر . [سیر وعاداتک] بو مثبت علمی کندی حیظه سنه منسوب اولان شیلری انکار ایتک ویا آچقده بر اقق دعواسنده دکلدرد . ناصل که فیزیقی هیچ بروقت متافیزیقی تأملاته بر حائل دکلدرد ، حال بوکه متافیزیک اصولی و موضوعی اونک اصول و موضوعندن بوسبوتون باشقه در ، بونک کی [علم سیر وعادات]

نه [اخلاقی ایده آل] اوزرینه تأملاتی ونه حیات قلییه عائد تحلیلالات روحیه یی اورتادن قالدیرمغه هیچ بر وجهله مائل دکدر ، ناصل که اخلاقیون هر زمان بوتحلیلات وتأملاقی یامشدر ، ینه یاپسینلر . [سیر وعادات] هانکی موقعی اشغال ایده جک ، بونی یالکتر استقبال کوستره جکدر . آغاجک میوه سنه کوره حکم اولنه جقدر .]

[اوقسفورد] دن پروفور و . د . روسلده بومسئله یی شرح ایتشدر . قالیفورنیادن [جورج پ . آدلر] ک ، [ولسله ی] دارالفنونندن [موری ویتون قلکنس] ک خطابه لر یه ینه بو موضوعه دائردی .

[ث] شعبه سنک ایکنجی زمره سنده آسته تیکه و کوزل صنعتلره ، اوچنجی زمره سنده آسته تیکلرک اساسلرینه ، دردنجی زمره سنده تربیه اخلاقیه عائد مسائل مذاکره اولمشدی . یازس دارالفنون امینی لای ایه ایستلاده قاغلیاری دارالفنونندن [جیا قومو تورو] نک فرانسز و ایستالیا مکتبلرنده کی تربیه اخلاقیه دائر ویردیکلری معلوماتدن مستقلاً بحث ایتک املنیم .

[د] شعبه سی

بو شعبه نک زمره لرنده فلسفه نک مدنیتده کی رولندن بحث اولمشدر . نیورقدن [هنری اسبورن تایلور] ، سوربوندن [آتیهن ژیلسون] ، قولومیا دارالفنونندن [جون دووی] ، هندستانده کلکته دن [رادا کریشان] ینه بو موضوع اوزرینه سوز سوبله مشلدر .

[د] شعبه سنک زمره لرنده افلاطون و «سقراط» ، سقولاستیک حرکاتنده راسیونالیزم ایله میستیسیزمه عائد مقاله لر اوقومش اولدینی کی سوربوندن [آتیهن ژیلسون] طرفدن عرب فیلسوفلرینک تدقیق آثاری اسقولاستیک تفسیرنده ناصل برول اوینادینی بوجه آتی مکملأ ایضاح اولمشدر .

[قرون وسطی فلسفه سنه عائد هیچ بر تاریخ ، اون ایکنجی یاخود اون دردنجی عصرک بویوک متفکرلرندن هر هانکی برینه عائد هیچ بر کتاب یوقدر که بر طرفده عرب فلسفه سنک قرون وسطاده کی فکرلرک تکاملنده ایضا ایتش اولدینی خدمتدن بحث ایتش اولماسون . فلسفی و علمی تفکر تاریخنده اسلامی تأثیراتک اهمیت عظیمه و قطعیه سنی او کوست قونت

دها اول قوتله اخطار ایلشدی ؛ بناءً علیه بوخصوصده سوزی اوزاتقی بر آز ساده دللك اولوردی .

فقط بوکامقابل عجبایک معروف اولان شو عرب نفوذ و تأثیری مورخلر طرفندن درجه کفایده نظر اعتباره آلمشیدر دیه دوشونمک مشروع و بلکه مفیددر . تعبیردیگرله ، ابن سینانک ، غزالینک ، وابن رشدک تفکراتی ، هرکسک تحت تصدیقده اولدینی وجهله ، قرون وسطی فلسفه سی تاریخنده قطعی بر خدمت ایفا ایتمش اولدیغندن ، عجبای تدقیقات و تحریاتمزد ، اونلره مستحق اولدقلری موقعی بخش ایدیورمی یز ؟

مورخلری بونی یا بمقدن انحراف ایتدیردیکی ظن اولنان برنجی سبب ، قرون وسطاده کی فکرلرک تاریخنه اوزون مدت اساساً تومست Thomiste بر منظره آئنده باقلمش اولماسیدر . فلسفه نك آلمانجه تاریخلری هی بلیورز . بوتاریخلرده قانت دن اولکی فیلسوفلر فلسفه انتقادیه نك محضرلری مثابه سنده تدقیق اولندقلری کی اوندن صوکر ا کنلرده اوفلسفه نك معقلری اولق حیثیتله تدقیق ایدلمشلردر . عینی مناظر غلط رؤیتی ، ۱۷ نجی عصرده ، مالبرانشی ، لایبنجی ، اسپنوزایی صانکه اک زیاده قارته زین cartésiens ایشلمش کی تدقیقه سائق اولمشدر . ایشته یه بوغلط رؤیتدرکه بوتون قرون وسطی فلسفه سی تاریخنی سن طوماس اطرافنده تنسیق و تشکیل ایتمه بزی تحریک و اغرا ایتمکده در . یعنی اوفلسفه یی احضار ایدنلری ، اونی مدافعه ایدنلری ، اونی تعقیب ایلینلری هی طوماسه منسوب عد ایدیورز .

اگر احتیاج اولسایدی ، بوغلط رؤیتک اساسنده صحیح اولان جهتلی ، یاخود بر درجه یه قدر معذور و یا محق اولان نقطه لری کوسترمک قدر آسان بر شی اولمازدی . بونکله برابر اوینه برغلط رؤیت اولمقدن قورتلماز . زیر ۱۳۱۱ نجی عصرده کی سن طوماس صوکرادن اولدینی شی دکلدی . بعضلری طرفندن شدتله هجومه اوغرامش ، دیگر بعضلری طرفندن شوق و هیجانله کندیسنه امثال ایدلمش اولان سن طوماس بزم ایچون معاصر بر فیلسوف نه ایسه هرکس نظرنده او اولمشدی : یعنی وجدانمزه مسلط اولان وحلی سربستهجه آراشدیردیغمز عینی مسئله لری حله اوغرامش برآدامدی .

عرب نفوذی مسئله تاریخیه سنه تطبیق ایدنجه ، بوهرشیئی توما یه نسبت شکنده کی

کوریش ، مذاهب فلسفیه نیک صیراسنی صفحه آتیته ده کوسترر . ۱۳ نجی عصرک اوائلنده
 ارسطونک ملاحظات فلسفیه سی ، لاتین دنیا سینه ، بالخاصه ابن سینا ایله ابن رشد
 فلسفه لرینک تحت تأثیرنده صفوت اصلیه سی ضایع ایتمش و کیرله نیش برشکلده عرض وجود
 ایتمشدی : هالس Halès لی الکساندر ایله آلبر لوگران Albert le Grand ک فعالانه
 اشتراک ایتمش اولدقلری احضاری بر تدقیق و تنقیددن صوکر ، سن طوماس فلسفه
 رسطائیه نی l'aristotélisme عربلرک اوکا ادخال ایتمش اولدقلری عناصر اجنبیه دن
 صورت قطعیه ده آیرمغه موفق اولمشدی . ۱۴ نجی عصرده ، حالا ابن رشد طرفدار
 اولان و ۱۵ نجی عصری ده ادراک ایدن برزمره حکما بر طرفه براقلیدنی حالده ، ارسطونک
 کتابلری صورت قطعیه ده شرح ایدلش و عرب فیلسوفلرینک شرحلرینه آرتق باقلماز
 اولمشدی . فقط ۱۵ نجی عصره ایتنده ، ۱۶ نجی عصرک اوائلنده ، ۱۷ نجی عصرک اورتالرینه
 قدر ابن سینا ایله ابن رشدک کتابلری پک کلی مقدارده طبع و تمثیل ایدلمشدی . بوحال
 نظر دقتیزی جلب ایتملدر . عندالجاهه ابن رشد ایچون بونی ایضاح ایتمک ممکندر ، زیرا
 ایستایاده ابن رشد طرفدارلنی ده بر مدت عنودانه دوام ایتمشدی ، ره کسانس کایتالیان
 ناتورالیزمنی احضار ایدنلر بو ابن رشد حزبی ایدی . فقط ، قرون وسطاده ابن رشدک
 حقیقی و فعلی رولی اوزرینه اک غلیظ خطالری ارتکاب ایتمدیکمز فرض اولنسه ده ، ایچون
 حالا ۱۴۹۳ ده ، صوکر ۱۴۹۵ ده ، ۱۵۰۹ ده ، ۱۵۴۶ ده ابن سینانک آثارینی تمثیل احتیاجی
 نهدن حس اولندیغنی ایضاح ایتمک کمزده ایجاب ایدردی . اکر ابن سینا فلسفه سنک
 نفوذی آرتق کندینی حس ایتدرمه مش اولسایدی ، اکر بو فلسفه نک محتویاتی فلسفه
 خریستیانیه ایچون آرتق اهمیت و منفعتدن خالی قالش بولنسه یدی ، ایچون ۱۵۰۸ ده کی
 تمثیللری یاپانلر ، پادو Padou مناسترنده مقیم ، سن او کوستن راهب لردن Chanoins
 Régniers de Saint Angustin عبارت اولوردی ؟ بوراهبلر بوتمثیللرک مقدمه سنده بویه
 بر امر عظیمک کندیلرینه موجب اولدینی پک بویوک زحمتدن شکایت ایدیورلر . ال
 یازیبی اثرلرک تفتیش و معاینه سی ده بوتجربه نی تأیید و تصدیق ایتمش اولوردی . پارسده
 ملی کتبخانه ده کی ۶۴۴۳ نومرولی (اسکی قوبن ۳۰۰) یازمه نسخه ۱۴ نجی عصرده یازلمشدر ؛
 بنابرین بو مجموعه یه عرب فلسفه سنک حقیقی بر خلاصه سی نظریه باقیله بیلیر . بورساله ، طرز

ترتیبی اعتباریله بیله ، حالا او دورده ، ابن سینانک ، ابن رشدک ، غزالی نک ، الکندی نک ، وفارابی نک اثرلرینی ال التنده بولندرمق آرزوسنی طویدققرینه دلالت ایدر . اوقسفور کتبخانه سنه ، روژه دوکغ نیه ره Rogr de Gaignière منسوب اولان ده قارت ک دوستی شوالیه کنه لم دیغی Kenelm Digbi نک آرمالرینی طاشیان ۸۸۰۲ نومرولی ال یازمه سی ده ، هان عینی تاریخده ، عینی امل و اندیشه یه شاهددر . والحاصل بوقضیه یی تأکید و اثبات ایچون ده ا متعدد مجموعه لر مثال اولارق کوستریله بیلیردی .

فقط ده ا اوزاغه کیتیلیدر . بو مجموعه لرک موجودیتی ، یالکز عرب نفوذینک سن طوماس دن اول اولدینی کبی صوکراده اجرای تأثیرده دوام استدیکنه دلالت ایتمکه قالماز ، اوندن باشقه اونلرک طرز ترتیب و تحریرلری او نفوذک شیمدی یه قدر ظن اولندیغندن بوسبوتون باشقه برطرزده جریان ایتیش اولدیغنده دلالت ایلر . آلفره دده ساره شل Alfred de Sareshel ک دوموتو قوردیس De Motu Cordis عنوانی کتابی اوزرینه متوفی قله مان بومکر Clément Baeumker تخصیص ایتیش اولدینی مخطرده عرب نفوذی تاریخنده ایکی دور تمیز و تفریق ایدلمکده ایدی : برنجی دورده ابن سینانک نفوذ و تأثیری غالب و حاکم ایدی ، ایکنجی دورده ومؤخرأ ابن رشدک تأثیر و نفوذی غالبی . فی الحقیقه ، ابن رشدک نفوذی ابن سینانک ده ا کچ اولارق واقع اولمشدر ؛ فقط ابن سینانک نفوذی هیچ بر وقت توقف ایتمه مشدر ، بو کونه قدر بوتون قرون و سلطانک دوامنجه او نفوذک مستمر اولدینی بیلنمه مش اولقله برابر . بونک اثباتی ۱۴ نجی عصرده کی ال یازمه سی مجموعه لرله ۱۵ نجی و ۱۶ نجی عصرده کی مطبوع رساله لردر . قرون وسطا بر مورخلر دوری اولما مشدی . اکر او عصر علماسی ابن سینانک اثرلرینی تکرار استنساخ ایتیشلره بونک سببی اونلره براهیت مسلکیه عطف ایتیش و اوکا احتیاج حس ایتیش اولمالری ایدی ؛ محققدرکه اونلر بونی مراق سائقه سیله ویا کوستریش ایچون یانما مشلردی . بر مشخص مثال تحلیل اولونورسه بو نفوذک صحتی ، و مسائل تاریخیه نک اهمیت اصلیه سی بلکه ده ا بی ثابت اولور .

اگر نفوذی سن طوماس ه مساوی ، قرون وسطایه منسوب دیگر بر شخصیت وارسه بو شبهه سز دون سقوت Duns Scot در . انجق هیچ بر مورخ غندنده مجهول دکلدرکه ، اونک آناری اطرافنده بریکمش اولان او قدر مناظره لره رغماً ، او اثرلرک

نه مابعدالطبیعی معناسی ، نه تاریخی معناسی هنوز صورت لایقده تنویر ایدلمه مشدر . بعضری دون سقوت ی سنی طوماسک ینیلمز بر مخصوصی عد ایدرلر ؛ دیگر بعضری اونلرک تألیف یننه جهد ایدرلر ؛ نهایت دیگر بعضیری ده اونلری تألیفدن واز کچهرک دون سقوت ی یکی بعض صورت حللری اعمال ایدن فقط بونی یاپارکن دیگرلرینک دها اول بویه صورت حللر تکلیف ایدوب ایتدکلری ایله مشغول اولمایان بر مابعدالطبیعه عالمی شکلنده تصویر ایدرک ایکی ذاتی اختلاف و منازعه ایتدیر مکدن احتراز ایدرلر . حقیقت حالده ، دون سقوت هانکی مسئله ده سن طوماسک مابعدالطبیعه سنده کی اساسلردن اوزاقلاشمش ایسه ، بونک سبی ابن سینانک عنعنه سنی تعقیب ایتمش اولماسیدر ، حال بوکه سن طوماس ابن رشدک عنعنه سته تبعیت ایلشدی . قله مان بومکهرک اخطاری ثابت اولدینی مقیاس داخلنده ، دیمک لازم کلیردی که دون سقوت ، ابن سینادن ملهم اولمق صقیله ،

سن طوماس ک ملهم اولدینی عنعنه فلسفیه دن دها اسکی بر عنعنیه مربوطدر .

روجه یقن ، سن بونا و استور ، و بر درجه یه قدر بالذات آلبرلوغر ان مثللو بوتون سن او کوسته منسوب اولانلر کی ، دون سقوت ابن سینائی در . بوجهته بعضاً دون سقوت مسدکنک ته زلری نظریله باقیلان شیر ، اکثر یا ابن سینانک محصولات فکریه سنک بقایاسندن باشقه بر شیر دکلدر . بناءً علیه انقلابی دیه توهم اولنان دون سقوته بر خطایه دوشمک قورقوسی اولقمسزین اوزون بر عنعنه نک مداوم ومعقی نظریله باقیله بیلیر .

هر فاصل وقاطع نقطه ده ، دون سقوت ک ابن رشد عاینده ابن سینائی ترجیح ایتدیکنی کوستر مک مستحیل دکلدر . دون سقوته نظراً مابعدالطبیعه نک موضوعی وجوددر ، زیرا ابن سینا و انی اثبات ایتشدیر . اللهک موجودیتی اثبات ایدن دلائل بحسب الذات مابعدالطبیعی وجوددن مأخوذ ، غیر جسمانی و محرک اول واسطه سیله اولوز ، زیرا ابن سینا اثبات ایلشدر که دلائل طبیعی مابعدالطبیعه نک مادوننده در . دون سقوتک آثارنده کی وجودک مشترکیتی ، طوغریدن طوغریه ابن سینایه منسوبدر . انسانه روحدن متمایز بر صورت جسمانیه *forma corporis* اسناد ایدن نظریه بلا تغییر ابن سینادن مقتبس بر ذهابدر .

« دون سقوت » ک اسکی بر شارحی اولان موریس دوپور Maurice du Port ک افاده سی

وجهله «دون سقوت» ك مابعد الطبیعه سنك آناختاری ابن سینانك مذهب فلسفیهی ایچنده در ، بونك سبی شودر كه اون در دنجی عصر ك باشنده اون اوچنجی عصر ك باشنده اولدینی کی ، عرب علمنك وحتی ابن سینا فلسفه سنك نفوذی بوتون شدتیله جاری اولماسیدر . بوحال یالکز دون سقوت ه منحصر دكلدر ؛ بویالکزدكلدر ؛ یالکز اوشهر تشعار بر مثالدر ؛ غودفروآ دوفوتنه Godfrois de Fontaines ك ، مثلاً معرفت نظریه سی اونك ابن سینانك مابعد الطبیعه سی اوزرینه اولان تأملاتندن طوغریدن طوغری به طوغمشدر .

حال بویله اولنجه آئیده کی استنتاجلری موقع مناقشه به قورمق مصیب اولاجنی ظن ایدرم . ۱۰ نجیسی : فلسفه عربیه نك نفوذ و تأثیرنی قرون و سطانك یالکز بر دورینه حصر و تحدید ایتك ایچون قبلې *a priori* هیچ بر سبب یوقدر ؛ بو تأثیر ۱۲ نجی عصر ك صوك بشندن رهنسانسه قدر متادیا جاری اولمشدر .

۲ نجیسی : ابن سینانك نفوذنی ابن رشدك نفوذی آرقه سنده سیلنمش فرض ایتك ایچون قبلې هیچ بر سبب یوقدر ؛ بالعکس بر چوق حالات رهنسانسه قدر ابن سینا فلسفه سنك طرفدارلری اولدینی افهام ایتكده در .

۳ نجیسی : قرون وسطاده کی فلسفه لری طوغریدن طوغری به شرح ایده بیلنك ایچون اونلرك جرح و یا اقتباس ایتدکلی عرب فلسفه لرنی اولجه تدقیق ایتك لازمدر . عرب تفکر یله لاین تفکر نی ، هر نه قدر تطبیقاتده آز چوق بر برندن آیرمغه تمایل ایدیور . سه قده ، بونرك تاریخی اتصاللری واردی ، شیمدی به قدر یاپیلمايان بو اتصال اثنای تدقیقه نظر اعتباره آلمالیدر . بناء علیه اسقولاستیک فلسفه لرنی تدقیق ایتك ایستهین بر کیمسه ارسطویه نه قدر آشنا ایسه ابن رشد ، ابن سینا به و غزالی به ده اوقدر آشنا اولمالیدر . عالی مطلب ، بالذات آلبر لوغر انك ، سن طوماسك ، و دون سقوتك او اسلام فیلسوفلرنی بیلدیکلری قدر بیلنك اولمالیدر .

۴ نجیسی عهدّه ذمه ترتب ایدن اك مستعجل خدماندن بریمی عموماً عرب فیلسوفلرنك و خصوصاً ابن سینانك قرون وسطاده یالئش لاینجه ترجمه لرنی یکیدن تمیل ایتدیر مکدر . آ . ناجی A. Nagi الکندینك بالنسبه قیسه اولان اثرلرنی ترجمه ایتش ، بر فرد ایچون بوقدری ممکندر ، فقط ابن سینانك و ابن رشدك آثار معظمه سی موضوع بحث اولنجه بونی یاقی هر فردك استطاعتی فوقنده در . بناء علیه قرون وسطا فیلسوفلریله مشغول ذوات آرا سنده بین الملل بر تشکیلات یالئاسی و بوهیئك ایشی تعهد ایلسی فوق الحد شایان تمی در .

آمستردامدن کلن پروفسور (بویر) ده خلقت مسئله سنده کی عقاید اسلامیه یی آکلا-
تمشدر . «۱» شعبه سنک اوچنجی زمره سی ایلولاک اون آلتنجی پرشبه کونی غوره ولده
قومون رومده طوبیلاشمیدی . بوراده جلسه نك رئیس سوزی اولا بکا و برمش اولدیغی
ایچون تورك متفکر لر مزدن روح الیان مؤلفی اسماعیل حق نك هویت علمیه سیله اونك
علم و تصنیف علوم ، وجود حقنده کی ملاحظه لری و کتاب نتیجه سندن منتخب بعض اخلاقی
و پسیقولوژیائی تحلیل لری سویلنمشدی . بندن سوکرا [لودن] دارالفنونندن کلن [لئون
نویل] یکی اسقولاستیکی مبحث معرفتدن ، امریقان قاتولیک دارالفنونندن [جیمس .
ه . رایان] یکی اسقولایتسزمدن ، سوربوندن [لئون روین] اوقتاوها ملن نك فلسفه سندن
بحث ایتمشلردی .

دردنجی زمره ده انگلیز ، آمریقان ، ایطالیان فلسفه معاصره سندن ، اسپانیا ، جنوبی
آمریقا ، آلمانیا ، فرانسه ، ژاپونیا ده کی فلسفی تمایلاتدن بحث اولمشدر . بوغله نك بیاناته
کوره فرانسه ده یکرمنجی عصرده فلسفه باشلیجه اوج منبعدن غدا سنی آلمده در : برنجیسی
علم اوزرینه ، علمک نتیجه لری ، علمک موضوعه لری اوزرینه تأمل [قورنونک غنغنه سی ،
بو غنغنه یی ه . پوآتقاره ایله ژ . میلهو ادامه ایتمشدر] ؛ ایکنجیسی شعورک ذی حیات
شأنتی کندی صفوتی داخلنده تکرار اله کچیرمک [مهن دویران غنغنه سی ، بونی ده
شیمدی برغسون ادامه ایدیور] ؛ اوچنجیسی علوم اجتماعیه نك مکتسباتی سیستم حاله
قویق و نتیجه لری اونلرک ترقیسندن استنباط ایلمک ایچون جهد و اقدام [اوکوست قوننک
غنغنه سی ، بونی ده درویم ایله مکتبی ادامه ایدیور] . بو صوک مکتب منسوبلری ایوم
پسیقولوژی یی ، معرفت نظریه سنی ، قیمتار فلسفه سنی یکیشدرمکی ایسته یورلر مش .

* *

قونفره جمعه کونی اقشام اوستی مساعیسی اکیال ایتمش اولدیغندن اعضایه اوکیجه
مساچوزت رئیس حکومتی طرفندن بوستونده پلازو اولتده برضیافت ویرلش و بوراده
ملل مخته یه منسوب خطیلر طرفندن ملتارک مستقبلاً سعادت و سلامتی نامنه غایت مهم
نطقلر سویلنمش ایسه ده بونلر قونفرانس مزک پلانته داخل اولمادیغندن اونلردن بوراده
بحث ایتمه حکم . یالکز بوفر صتدن بالاستفاده کرک قولومیا و کرک هاروارد دارالفنوننده
مسافر بولندیغ کونلر بوتون آمریقان پروفسورلری طرفندن مظهر اولدیغ آثار محبتک
خاطره سنی هیچ بروقت اونو تمایه جغنی سویلکی ده بربورج بیلیم ۸۰ کانون اول ۹۲۶